

通

制

條

格

通制條格卷第十四

倉庫

關防

至元二十八年中書省奏准至元新格

諸出納之法自倉庫官面視稱量檢數目提

舉監支納以下攢典合干人以上皆得

互相覺察有盜詐違法者陳首到官量

事理賞其有侵盜錢糧并濫偏之物者

犯人逃亡及雖在無財可追者並勒同

界官典司庫司倉人等一體均陪

諸支納錢糧一切官物勘合已到倉庫應納者經拾日不納應支者經壹月不支並須申報元發勘合官司隨即理會其物已到倉庫未得勘合者亦如之

諸官物出給先儘速牢其見在數多用與較少不堪久貯者速中當該上司作急支發毋致換收違者寬治

諸行用庫凡遇諸人以容缺易換料銀皆須庫官監視司庫對倒鈔人限同辨驗檢

數如不係接補挑刺偶鈔當面用訖退
印昏鈔入庫料鈔付主當該上司委官
時至檢校違者寃治

諸路收受差發自開庫日爲始本路正官壹
員輪番檢察並要兩平收受隨時出給
官戶朱鈔無使刁蹬停留人難諸州置
庫去處並同

諸倉收受米糧並要乾圓潔淨當該上司各
取其樣驗同封記壹付本倉收掌壹局

通鑑卷一百一十四
二
當司存留仍須正官時至檢校其收支
但與元樣不同隨即究治應贖運者此
驗樣料相同裝紮其至下卸亦驗樣料
相同交收

諸庫藏并八作司所收物內其有名數而無
用者開申合干部分勘驗是實委官檢
估出賣無人買者量宜支遣不致損敗
諸倉庫錢物監臨官吏取借侵使者以盜論
與者其罪同若物不到官而虛給朱鈔

者亦如之仍於倉庫門首出榜常川禁治
諸倉庫赤曆單狀當該上司月一查照但開
附不明收支有差隨事究問

諸倉庫局院踈漏速申修理霖雨不止常須
檢視隨宜備禦不致官物損壞若收貯
不如法防備不盡心曝曬不以時致有
損敗者各以其事輕重論罪所壞之物
仍勒陪償

諸倉庫局院凡關防搜檢巡宿禁治事理其

當該上司正官每月分輪點視常須謹
嚴毋致弛廢

諸倉庫官新舊交代在都本管上司委官監
視在外各路正官監視直屬省部州府

亦同沿河倉分漕運司官監視凡應干
支收支憑合有見在官物皆須照筭交
點明白別無短少溢僞之數舊官具數
關發新官驗數收管仍須同署申報合
備上司照會既給交關之後若有短少

濫僞之物並於新官名下追理

中統五年八月欽奉聖旨條畫

一諸官府非奉朝省明文不得動支係官錢穀若有諸王或軍馬經過應合支飲食等別無存留見在錢物應給官物內支遣隨即申行中書省照會仍不得用官物以充進獻

酒食同

及貿易借貸

文銀

川亦不得指稱官用私借債負

一諸路官府凡有保明官吏推問刑獄科徵

差稅應支錢穀必須圖余文字有故者

諸官司及各投下管軍人匠諸色人

等達魯花赤官吏不得擅科差役管與

魯曰

一各路諸差發稅糧宣課應係財物並赴見
設倉庫送納不得另行收貯及倉庫院
務合設人負各處官司公選保明有抵
業廉慎行止信實人充並不得用官吏
私己之人如有失陷庫官賠償其保官

標爲過名以憑通行考校庫司大者不

過參負

其餘小起並設查貳負

至元二十四年六月尚書省戶部呈議擬到
萬億庫出入錢物各項事理都省准呈

一庫子人等今後毋得遞相用白帖子出入
侵借官錢如違痛行追斷

一隨處解到錢物照依臨庫坐到數目畫便
收受出給朱鈐申部若有短少不足之
數即將納物人監押申解並不得將到

庫未收錢數於內混雜對支作弊如違
痛行追斷

一庫子攢典并封門官負人等擬合每日書
盡卯酉文曆從朝抵暮專一在庫守候
收支無得輒離如有收支錢物須要本
庫色目漢兒庫子攢典眼同開庫比對
勘合明白銷附書押收支如違痛行治
罪外據書盡卯酉文曆不到者攢典庫
子仰庫官就便斷決若庫官封門官負

違犯許令達魯花赤赴省呈說如達魯
花赤不到却令封門官真呈說及推稱
病患不行赴庫聽候收支等語當以等亦
仰依上究問如是各官看徇不行究治
體察得知痛行治罪

一應行收支錢物合押收管申解一切文憑
今後須管一同圍押如違痛行治罪

一應係收支錢物文帖憑驗文曆今後須令
正官首領官在官收掌毋得似前縱令

庫子人等自行執把將往私家鎖放如
遇打勘文字仰庫官督責首領官攢典
庫子人等限同打勘事畢却行依舊在
庫收掌仍令把門人等與搜捉鈔兩一
體搜尋如違痛行治罪

一本庫每月合押赤曆今後須要依式應限
攢典仍令當該庫官查算輪番提調照
依寫定帳文名件一項項仔細牽照別
無重錯事差於月中解內明白稱說行

移某官牽照收支憑驗相關保結申部
一本庫官負庫子積典今後並不得將引第
男親戚驢口人等入庫及開物人亦不
得引領人衆赴庫如違痛行治罪
一今後令用物件仰合干部分用印信文憑
開撥出庫事過隨即依數還官却行追
毀元行印信文憑收付
一諸衙門見行追收及有支發錢物差占庫
子人等守等收支實是妨礙在庫勾當

今後遇有各衙門合支錢物擬合依例
開支出库自行支發若有合收錢物發

下本庫驗數收交

至元二十九年正月甲寅省戶部呈各省隨

路凡有起納係官錢物足帛燒毀昏鈔預期勾

喚差定押運正官與本處正官壹員親臨監視

差來庫官庫子人等令不平碼庫子行人若是

縹綿等物兩平秤盤如是寶鈔仔細檢數或是

足帛托量長闊兩頭俱用條印閑防訖別無短

少至堪之數復開相照眼同隨印折角完備封
記裝發了畢責付庫官庫子明白收管令長押
官管押趁限赴都交納仍於夾解內開寫所納
各項備細數目監視起發正實職名起程日期
具解嚴本內壹本分付差來案壹本入遞咨申
省部如到來交點得於內但有未過滯滯壞
短少數目着落庫官人等追陪仍將長押官并
監視起運官斷罪無望肯爲用心關防不致侵
盜損壞官物都省准呈

部糧至元二十七年十月尚書省奏都漕運
司申着糧官司每年故縱百姓逃納帶殺米陳
粟爲倉官不收其部稅官教唆稅戶恥辱倉官
毆打斗脚須要收管又一等強豪勢要近倉巡
檢人貧不及糧稅戶公然攬納得訖輕賣趁賤
采買陳粟竈米恃勢強行逃納更監納倉官與
攬典斗脚通同計搆暗受輕賣飛鈔結攬采買
濫物入倉致使官中不得精粹好物合令各縣
正官部稅及在河船戶寫訖伏定文字關訖定

錢多日不赴河倉裝糧率有裝訖官糧支訖柴
分脚價却將糧斛潘河實囤就用脚錢作本駕
船別作買賣經隔數月不待運到交納處所如
此姦弊多端能禁約事准奏仰通行諸路依上
嚴切禁約施行外後查處再咨部院須要送納
乾圓絕殺白米新粟及禁約豪勢官裏稅與人
等不得結攬行兇恥辱倉官毆打斗脚仍釐勒
倉官攬典斗脚合干人等却不得通行計構結
攬飛鈔作弊及刁蹬停滯人難并擾在河船戶

人等依元立伏定文字於所撥河倉運納如有
違犯之人取問得實並行斬罪
意察侵盜 元貞元年七月欽奉聖旨條畫由
一款節該倉庫大小官吏人等皆得互相曉察
其有侵盜分糧即將犯人財產拘檢見款往折
追理若犯人逃亡及死可追者並勒同外官與
人等立限拘陪
計點 至元二十九年七月初三日御史臺奏
從去年各路裏官人每官錢借與土人每的稅

母自己要了的庫裏錢本無却說道有麼道說
說來的這般的每根底察知追了錢要了他每
罪過合放了的放了也勾當裏合罷了的罷了
也如今俺商量教省官人每委付着人這裏有
的倉庫局院常川教點者監察每也常川体察
行者如倉庫局院裏短少的有呵省官人每根
底逐旋說了疾忙教追陪者損壞了的有呵省
官人每整理者外頭行省官宣慰司官各道廉
訪司官并路官每依這体例教點覲整理者官

錢偷了呵一定教追兩定者這般追呵做賊說
議的沒也者麼道奏呵那裏無得較少也者限
是有那般者麼道聖旨了也欽此

元貞元年七月欽奉詔書條畫內一欽所在
倉庫親臨上司提調正官每季分輪計點但有
短少隨即究問追理遠期不點或計點不實者
重事輕重斷罪任滿之日凡錢谷交割不完照
依已降聖旨事意施行

延祐二年十月中書省照得至元二十八年

五月十七日奏准戶部工部的勾當多的上頭
去年桑哥等辦集勾當上頭十二箇舍人委付
來俺商量得部裏舍人行的體例無有真外郎
之下教做正七品司計司程委付呵怎生麼道
奏呵恁的勾當有那般者聖旨了也欽此又一
款諸倉庫凡合開防照勘催奉事理從戶部於
見設司計內選差廉幹二名每月分臨倉庫置
簿專一檢校合就催者就催合申部者申部其
八作司簿飲庫應催奉照勘開防者工部差司

程一真依上理合欽此照得近年以來多不遵
守司程司計多因別事差故妨奪應管事務爲
此都省議擬到合行事理

司計司程官從戶工部選差分臨倉庫專一
檢校合就催者就催合申部者申部須
要完備不許別事差占部官每月照刷
若司計司程官有失關防催率致有敗
誤不完隨事率呈理罪

勘合已到倉庫

應納者不納應支者不支

物到庫勘合不到

已收已支錢物不即申報

合押赤曆單狀違勘

收頓不如法

倉庫給受有違

部官每月摘差一頁將引令史二名親詣倉

庫計點照例了畢開具收支已未完備

細各各名件及照刷出差違等事呈省

收支勘合赤曆單狀有無失收濫支
差錯不完

傾放官物有無如法

倉庫有無踈漏垣牆有無損壞

看守倉庫軍人有無闕役

點看見在錢物糧斛於內若有陳舊

損滯之數隨即議擬先支或別行

發落

糧耗

至元二十二年十月中書省戶部呈江

南民田稅石擬合依例每石帶收鼠耗分例七
升內除養贍倉官斗腳一升外六升與正糧一
體收貯如有短折數目擬依腹裏折耗例以五
年爲則准除四升初年一升二合次年二升三
年二升七合四年三升四合五年共報四升餘
上不盡數目追徵還官若有不及所破折耗從
實准算無得因而作弊多破官糧外擬官田帶
收鼠耗分例若比民田減半每石止收三升五
合却緣前項所破正糧擬合每石帶收鼠耗分

例五升都省議得除民田稅石依准部擬外官
田減半收受

至元二十九年八月十八日完澤丞相等奏
通州河西務的倉官每俺根底告說有倉裏收
來的糧內前省官人每定的鼠耗分例少的上
頭賣了媳婦孩兒家緣陪納不起至今生受行
有麼道告有俺商量得前省官定到的鼠耗分
例不均有如今南糧北糧的鼠耗分例比在先
的添與各年的耗糧分例依體例斟酌定也麼

道奏呵依着您的言語者雖那般呵怎捨得心
雀鼠待喫的多少因着那的休教与人每作弊
做賊說謊麼趙聖旨着也欽此

依舊聽耗

唐村等處般運至河西務北糧每石破柒合

直沽般運至河西務南糧每石破壹升貳合

河西務般運至通州李二寺南糧每石壹

升伍合北糧每石伍合

填河站車運至大都省倉

南糧每碩壹升伍合

北糧每碩壹升伍合

議擬耗例

大都省倉

元定破耗

南糧每碩肆升

北糧每碩叁升

今擬限車聽耗

初年聽耗

日加與公及南粮每碩貳升

日不加與公及北粮每碩壹升伍合

日不加與公及北粮每碩貳升

日不加與公及南粮每碩叁升

日不加與公及北粮每碩貳升叁合

日不加與公及北粮每碩貳升叁合

日不加與公及南粮每碩肆升

日不加與公及北粮每碩叁升

日不加與公及南粮每碩肆升

各縣先定校耗五期合算不帶外縣

外庫并合南糧每額貳升

實部無此報海關壹升伍合

二不盡今擬限年聽耗

年二不初年依元定校耗

年三不南糧每額貳升

年四不北糧每額壹升伍合

年五不南糧每額壹升

年六不北糧每額壹升

年七不南糧每額壹升

年八不北糧每額壹升

年九不南糧每額壹升

年十不北糧每額壹升

北糧每碩貳升叁合

貯經叁年以上聽耗

南糧每碩肆升

北糧每碩叁升

直沽倉除對船交裝不須破耗外今擬壹

年須要支運盡絕

南糧每碩聽耗貳升

先定破耗壹升叁合

今擬添柒合

附餘短少。大德七年六月中書省戶部呈求
州北倉官司倉季全司庭實等得替交割短少
南糧糙粳米叁千壹佰陸碩肆合北糧白米粟
豆却有積餘捌佰捌拾碩壹斗陸升肆合本部
照得先欽奉聖旨節該管倉的官人每在先偷
主糧的失陷了的那年分偷來依着那年分價
鈔數陪著欽比議得南糧短少北糧附餘名色
各異似難相補擬合欽依比照當年得代交割
失陷月日時估追徵都省准擬

元貞元年二月中書省御史臺呈江南行臺
咨嘉興松江等處宣倉各款互有增短糧數擬
令通行准算戶部照議得上項短少附餘糧米
雖然各款收貯終是壹倉互相增短合依臺擬
對色准算外擬短少處著落追徵還官都省
准擬

揭借開納太德元年九月中書省御史臺呈
平江等路官吏於不欠糧人戶處逼勒揭借開
納逃亡事故米糧擬令通折合屬今後民間差

稅項令合該人戶依期運納果有逃亡事故依
例申覆上司除豁都省杜塞漏卮禁治今後毋
得於不欠糧百姓處逼勒揭開
沮壞漕運
元貞二年正月欽奉聖旨節該中
書省奏都漕運使司所管沿河倉分隨路部糧
官吏與倉官人等通同作弊收受糠粃米粟結
攬輕賣虛出通關致有短少官糧之救糧其間
各處官司輒將倉官綱官人等勾攝攬擾沮壞
漕運乞降聖旨禁約事准奏仰漕運司官各路

部糧正官倉官人等毋得似前通同作弊收運糧斛其間諸衙門不得妄生事端勾擾沮壞違者照依累降聖旨條畫斷罪

運糧作弊 皇慶二年四月中書省江浙行省咨准本省提調海運官咨海運歲供京師所繫甚重往往詐稱風水盜案官糧除已督責合屬委自廉幹正官於頻海去處常切用心巡視體問若有運糧船隻無故沿海停泊就將船主取招究治剗時催趕起發前赴直沽等處交卸不

得停留本地面里正社長主首人等容令灣泊
盜案官糧作弊一體坐罪如果有遭風船隻隨
即根問虛實體覆明白依例施行外切恐各處
官司恃不統攝看爲泛常合令山東沿海去處
嚴切戒諭庶肯遵守都省准擬

至元八年七月尚書省御史臺呈今後軍人
合支糧食合無聽從所願或支米糧折支寶鈔
仍禁約不得私下賣籌戶部講究得若令軍人
支鈔切恐非理破用合令依舊支米常切出榜

許諸人捉拏賣等買等人等嚴行治罪都省准擬

倒換昏鈔 至元十五年六月中書省會驗先爲街市諸行買賣人等將元寶交鈔貫伯分明微有破損不肯接使已經出榜曉諭今後行使實鈔雖邊欄破碎貫伯分明即便接受務要通行毋致滯滯鈔法若有似前將貫伯分明微有破軟鈔數不肯接受行使告捉到官嚴行治罪及將堪中行用實鈔赴庫倒換庫官人等亦不

得回倒如違定將官典斷罪

至元二十四年中書省奏奉聖旨定到至元通行寶鈔條畫內一款民間將各鈔赴平準庫倒換至元寶鈔以壹折五其工墨鈔止依舊制每貫叁分客旅買賣欲圖輕便用中統鈔倒換至元寶鈔者以壹折五依數收換各道宣慰司提刑按察司總管府常切體究禁治毋致勢要之家并庫官人等自行結攬多除工墨沮壞鈔法違者痛斷庫官違犯斷罪除名鈔比

大德二年三月中書省戶部定到貳拾伍樣
昏鈔倒換體例

一樣貳貫文省并貫伯俱全換去鈔張下截
前件議得鈔張止憑上截貫伯行使若
肆字并貫伯既全雖無下截堪中倒換
一樣貳貫文省肆字并貫伯上半俱全其下
半貫伯并鈔張下截捐去

前件議得街市行使之鈔惟驗貫伯貳
貫文省肆字并貫伯既全雖下半貫伯

并鈔張下截損去擬合倒換

一樣止存貳貫文省其貫伯并鈔張下截俱
各損去

前件議得鈔使上不使下但貳貫文省
既存又不是接補等鈔雖貫伯并鈔張
下截俱各損去亦合倒換

一樣止存貳貫文叁字其省字并鈔張下截
俱各損去

前件議得貳貫文叁字既存其省字并

鈔張下截雖俱損去亦合倒換

一樣止存貳文貳字其貫省貳字并貫伯下
截紙張俱各損去

前件議得使鈔當以數目字爲主若貳
字既在其貫省貳字并貫伯下截紙張
雖各損去終有貳字完全可以倒換
一樣損去貳字近上壹半并近上鈔張不存
餘皆可以辨驗

前件議得前年有接補剗挑造僞者往

往將貳字壹字移於伍伯叁伯文鈔紙
上作貳貫壹貫鈔使又存文省貳字及
錢貫邊欄不失元母雖是真鈔終是造
僞以致事敗枉傷人命今後若無數目
字雖是真鈔似難倒換

一樣換去貳文省叁字已上鈔紙止存貫字
并貫伯造欄可以辨認

一樣貳貫文省俱無止有貫伯并下截鈔張者
前件議得上項貳樣俱無貳字雖有文

省并貫伯邊欄下截可以辨認安知上截貳字不刻於他處用訖似此之類不
宜倒換

一樣貳貫文省肆字俱全損去貫伯左邊壹半并右邊壹半并左邊壹角鈔紙不存
前件議得貳貫文省肆字俱存雖無邊角即是完鈔理合倒換

一樣文省貳字并貫伯右邊壹半俱各損去
前件議得使鈔多憑數目字既存貳字

雖文省貳字并貫伯右邊壹半損去者
亦合倒換

一樣止損貳字并壹角鈔紙其貫文省叁字
并貫伯完全

前件議得此鈔若便作不堪却緣是真
昏鈔又貫伯完備若擬作堪中鈔兩姦
人乘便或將完鈔扯貳字壹角接於他
處用度墮或事發陷人臨時相驗前項
軟爛真昏擦磨損去貳字并壹角字畫

微有可辨認處尚有倒換若厚硬鈔紙
無貳字并壹角者即係剗去貳字不可

倒換

一樣止損省字并壹角鈔紙餘皆完全

前件議得省字并壹角鈔紙別無用處

若有貳字雖去省字合作堪中倒換

一樣損去貫字并貫伯右邊壹半及右邊鈔

紙不存

前件議得鈔損去貫字即與上項損去

省字者同俱堪倒換

一樣損去貳貫貳字并右邊紙不存

前件議得損去貳貫貳字別無可憑合
作不堪

一樣中心損去貳貫文省科壹字

前件議得若存貫文省叁字內科壹字
者不見貳字終無可憑又恐剋去當作
不堪若有貳字合許倒換

一樣中心損去貫伯止存貳貫文省肆字

前件議得中心雖損去貫伯尚存貳貫
文省肆字終是全鈔亦合倒換

一樣字貫俱各昏爛不堪辨認邊欄花樣可

以辨認

前件議得字貫雖昏爛若不是接補終
是全張更有邊欄花樣可以辨認號爲
真昏合許倒換

一樣中心損去貳貫文省肆字

前件議得肆字俱無何以爲主當作不堪

一樣碎爛補作壹處用別紙襯貼字貫可以

辨認

前件議得雖是碎爛補作壹處若非別紙鈔張又無裱褙痕跡元是壹張字貫可辨堪以倒換

一樣昏鈔紙張邊角有火燒煙薰痕跡

前件議得若無行用庫退印字貫分明紐是鈔紙邊角有火燒痕跡可以倒換

一樣油污鈔

前件議得若果是真昏有可辨認雖有
油污即合倒換

一樣鼠咬鈔

前件議得雖經鼠咬若字實可以辨認
亦宜倒換

一樣雨水滲漏損爛

前件議得雖是雨水滲漏損爛若辨認
得實是真鈔貫伯字畫有可辨認合許
倒換若不可辨認即是不堪

一樣損去貳文貳字并已上鈔紙

前件議得鈔損去貳文貳字即係剗鈔
不可倒換

一樣料鈔火燒損邊或下截

前件議得若干礙字貫及無行用庫
退印雖燒損邊角尚可倒換若燒去貳
字即係不堪

至元五年二月中書省制國用使司呈隨路
收差課程并諸路交鈔都提舉司如遇諸人賁

到鈔數仔細辨認於內若有假偽重別辨驗是實於上使用分明倘鈔墨印仍用朱筆於鈔背標寫幾年月日某人賞到仍置曆標附了畢退付元主如驗得料例相同數目多者就便追究每季具有無辨過退訖倘鈔開中都省准呈燒毀昏鈔 至元二十九年五月中書省照得大同路豐州行用庫官庫子侵使倒下昏鈔買囑監燒人真虛行作數除追斷外都省議得燒毀昏鈔情弊多端今擬除監察御史依舊外改

委斷事官各部官輪番一同監視日逐燒毀壹
月交換自侍郎以下部官前去燒鈔庫與斷事
官監察御史眼同監視仔細檢數別無假偽接
補挑剔隨即燒毀但有詐僞短少即便監督追
徵取招究治相近滿日預爲行移下次部分依
舊輪番監視交代官到庫先監官還部若下次
合監燒部官違期不到即便赴省覆說究問如
不測差官點開得中間却有短少詐僞定將監
燒官取問施行

皇慶元年十二月中書省戶部呈各衙門差
委監燒昏鈔官負多有事故不至即便罷散畧
舉昏季昏鈔依例合燒叁拾肆日其監燒官負
因循遷調首尾兩箇月餘以致隨路差來庫官
不能還職因而耽悞倒換滯鈔法本部參詳
今後燒鈔官負須要每日絕早到庫書押公座
丈簿監臨行人照依日燒料例檢開燒毀不許
別行差占果有事故明白赴省覆說其餘官負
依例監燒庶望事無壅滯公私便益都省隹呈

押運 至元二十五年十一月尚書省戶部呈
各路每季合赴省部燒毀昏鈔今後須差州縣
正官押運都省准呈

司庫 至大四年六月中書省戶部呈萬億寶
源庫中本庫設官叁員司吏壹拾玖名司庫叁
拾陸名專收行省腰裏一切合納鈔定其司庫
押送和買和采鈔定前去甘肅和林遼陽大同
上都等處交割時常差占常無一二司吏除年
銷局照筭審點旬申揭貼省部呼喚照勘一切

文字亦無一二在庫掌管勾當照得凡收支錢物必須半印勘合工刑兵禮肆部中書省斷事官並無半印勘合差人呼喚司庫人等就彼收受合納鈔定本庫參詳萬億肆庫并富寧庫掌管收支一切錢帛各處合納諸名項金銀等物合依舊例本衙門先用半印權符收訖開坐實收數目年月給鈔字號納物人姓名移關本部勘合各庫正行作收勿令似前徑自呼喚司庫司吏人等赴本衙門交收錢物似爲便益都省

准呈

開撥鈔本 至元二十年正月 中書省體知行
用庫官典人等庫門開閉無定將倒鈔客旅此
積壅滯妄生刁蹬添答工墨轉行倒換有壞鈔
法今後每日卯時開庫申時後收計庫官人等
須管常川收倒不許停閑刁蹬倒鈔人等若遇
闕少料鈔預期開撥御史臺差官常切體察
錢糧去零 至元二十五年九月尚書省江西
行省咨追理排年拖欠糧斛及每歲打算各路

所中俱有積算合勾抄撮零數委是素煩今及
打草收支糧斛若至伍勾以上收作壹合伍勾
以下削去似爲省便戶部照得凡有收支中統
寶鈔積算到總數若至伍厘收作壹分伍厘以
下削去如至元寶鈔若至伍毫收作壹厘伍毫
以下除去收支糧斛即與寶鈔無異都省准呈
酒牌侵鈔 延祐元年九月中書省近爲街下
拘欄酒肆茶房浴堂之家往往自置造竹木牌
子及寫帖子折當寶鈔貼爪使用侵視鈔法其

酒牌止於本店支酒不許街市流轉其餘竹木
牌子紙帖並行禁斷

務官欺課 至大四年十一月初四日中書省
奏臺官人每俺根底與文書真定路姓郛的務
官侵使了課程有俺待問呵院務官每比及年
終未審合無取問說將來有俺商量得院務官
每辨着課程有既欺隱了課程不教問呵課程
也不能盡實到官做賊說謊的多了去也今後
但是務裏委付着的務官端的偷了課程呵依

職官取受例交監察御史廉訪司官問呵怎生
商量來奏呵那般者麼道聖旨了也欽此

通制條格卷第十四

通制條格卷第十五

廐牧

抽分羊馬 大德七年十月中書省戶部呈宣
徽院經歷司呈照得各處隘口抽分羊馬人負
年例菜捌月間欽贖元受聖旨各該鋪馬馳驛
前去拘該地面抽分限拾月已裏赴都送納各
人飲食已有定例外據常川取要飲食分倒長
行馬疋草料州縣搭蓋棚圈別無許准文憑本
部參詳抽分羊馬人負每歲擾動州縣苦害人

民今後擬合令宣徽院定立法度嚴切拘鈐至
抽分特月各給印押差別明白開寫所委官吏
姓名並不得多餘將引帶行人貧長行馬疋定
立回還限次欵費元領聖旨經由通政院倒給
鋪馬分例前去須要同本處管民正官眼同依
例抽分羊馬牛隻隨即用印烙記趁好水草牧
放如抽分了畢各取管民官司印署保結公文
明白開寫抽分到數目村庄物主花名毛皮齒
歲申覆本院仍令有司量差人夫牽趕至前路

官司相訟交換已委官押領依限赴都交納訟路儻有倒死亦取所在官司明白公文將皮貨等起解赴院中間若有違法不公欺隱作弊宜從本道廉訪司嚴加体察其餘一切搭蓋棚圈并常川馬匹草料飲食等物不須應付庶革擾民欺誑之弊都省准呈

至大四年閏七月中書省奏在先北口等處抽分羊馬牛隻的人依體例抽分了不全納的上頭教俺差好人抽分者麼道聖旨有來如今

木八刺沙許也速歹兒張伯顏等參起責擎着
聖旨百姓每根底抽分羊口喂教百姓每生受
有麼道禮部官人每備着大同路文書俺根底
與了大書有俺商量來湯羊裏并客人每根底
其餘勾當裏每年多支持羊口有在先年分裏
壹貳年比口等處委着人仔細抽分時比不曾
計較的羊分喂多抽分得來有外路裏羊喂多
有麼道知道的人說有又這裏差去的抽分了
大的教小的抵換要了肥的教瘦的抵換多抽

分了些報數目的也有麼道聽得有比附的上
頭這裏不差人教各去有的路府州縣連魯花
赤長官提調着休教百姓生受取見羊口數目
依已定的體例教抽分羊口附近有的只教納
羊遠的回易作鈔教納各處行省所管地面也
依這例教行提調的人每不教百姓生受比在
先多抽分的羊呵驗數目等第與賞的或與名
分的俺定例呵怎生依這般教各處牧民官提
調呵聖旨裏臺裏行將文書去作弊的人每根

底教監察御史廉訪司官體察出來要罪過可
怎生商量來奏呵那般者麼道聖旨了也欽此
皇慶元年五月中書省奏在先年分抽分頭
疋羊口宣徽院委人抽分來去年爲他每委付
來的人每作弊的一般有麼道省官每奏了試
驗一年教監察御史廉訪司體察者麼道聖旨
有呵俺委付人教抽分來去年抽分到的比宣
徽院前年抽分到的數目多抽分出壹萬餘口
羊貳佰餘疋馬壹佰餘隻牛又城子裏抽分到

的頭斤羊。四易作鈔解納將來的鈔定也比他每管的將分數目多餘出五千餘定鈔來有自前是宣徽院家管的勾當來如今迤北蒙古百姓每各千戶并各處口子裏教他每季人抽分者城子裏不教他每季人依去年例教本處官司就便提調抽分宣徽院裏納者省部裏報數目呵怎生商量來奏呵那般者歷道聖旨了也欽此

鷹食分例

至元六年正月十七日欽奉聖旨

如今鵝過來放海青時分省會中都路地面城裏村裏人每若是海青拏住鵝呵恐怕人不識將海青打傷若拏住海青的人送與本處官人每教好人送將來者如海青拏不住鵝呵坐落的田地裏或是拏着雞兒休打者人見呵拏住送將來者拏不得呵教人看着報知本處官司轉送與寫房子每者

至元十年正月中書省會驗近爲順天路到五十收住免鵝不送官司用牛肉餒死量決肆

拾柒下奏奉聖旨既是那般呵打也不合打咱
已前爲這擎着鷹不送官司的人教死者麼道
行了文字來那的忒重有若已後海青鷹鵂等
擎着呵理會的人於就近官司便送納者不理
會的人於暗房子裏坐下海青鷹鵂等教人看
着休教插入去即便於附近官司說了官司取
去差會養鷹的好人送來者那般行文書者欽
此今約量擬定下項鷹食數目仍令食用新肉
如無新肉殺與雞猪者

鷹食分例

海青兔鶻早晨二兩

後晌叁兩

鷹并鴉鶻早晨一兩

後晌二兩

皂鷹北海青等料酌稍多應付

至大四年閏七月完澤平章特奉聖旨節該
海青并豹子食諸王駙馬每的并官人每不揀
是誰的呵休與者麼道聖旨了也欽此

擅支馬駝草料 延祐元年八月中書省奏准
事理

一件去年昔寶赤每教拾月裏入大都來者
麼道聖旨有呵預先將鷹入來教外頭
拴的又將入來了的多有來今年教
拾月初壹日入來者麼道聖旨有來如
今昔寶赤每根底差人去大都的入來
的拾月初一日合裏頭拴的鷹教將入
來者外頭拴的鷹教外頭拴者那裏拴
呵教昔寶赤官人每度支監官每根底
說將來憑度支監文字教各州城準備

草料呵怎生奏呵那般者麼道聖旨了
也欽此

一件分撥城子裏的老奴婢每根脚他每的
馬疋依着怯薛歹的例與了草料和他
每一處怯薛裏行的伴當也依例支與
有倚着他每根脚分撥到底城子麼道
他每餘剩梯已馬疋并他每哥哥弟兄
每的馬疋教餵養去呵百姓每生受有
路官人每根底與將文書去那般的每

根底無度支監并部家文書的不教與
草料呵怎生奏呵那般者麼道聖旨了
也欽此

月支官錢糧 至大四年七月中書省刑部呈
議得今後凡發各處合餽馬疋宜令度支監仔細
用心分揀行移合屬須要文字馬疋到槽至
日驗數放支中間但有冒濫不應之數着落餽
馬人負追陪斷罪當該官吏有失照畧量事輕
重決罰都省准擬

通制條格卷第十五
大印子馬疋 延祐元年五月中書省刑部尚
乘寺聞延祐元年四月二十五日本寺官奏大
印子阿塔思馬每年這裏住夏的各衙門官人
每多做不閑奚馬騎着有今後上位可怜見呵
再有大印馬疋呵教尚乘寺裏拘收了將得上
都來呵怎生奏呵奉聖旨那般者麼道聖旨了
也欽此

通制條格卷第十五

通制條格卷第十六

田令

理民 至元二十八年六月中書省奏准至元
新格

諸理民之務禁其擾民者此最爲先凡里正
公使人等 此書亦同 從各路總管府擬
定合設人數其令司縣選留廉幹無過
之人多者罷去仍須每事設法閑防毋
致似前侵害百姓

通志卷十六
諸村主首使佐里正催督差稅禁止違法其
坊村人戶鄰居之家照依舊例以相檢
察勿造非違

諸社長本爲勸農而設近年以來多以差科
干擾大失元立社長之意今後凡催差
辦集自有里正主首其社長使專勸課
凡農事未喻者教之人力不勤者督之
必使農盡其功地盡其利官司有不遵
守妨廢勸農者從肅政廉訪司究治

諸州縣官勸農日社內有游蕩好閑不務生
理累勸不改者社長須得對衆舉明量
示懲戒其社長若年小德薄不爲衆人
信服即聽詢舉深知農事年高純謹之
人易換

諸假托靈異妄造妖言佯修善事夜聚明散
并凡官司已行禁治事理社長每季須
一誠諭使民知恐毋陷刑憲

諸遇災傷開食或能不愧已物勸率富有之

家叶同周濟困窮不致失所者從本起
官司保申上司申部呈省

諸義倉本使百姓豐年貯蓄歉年食用此已
驗良法其社長照依元行當復修舉官
司敢有拘檢煩擾者從肅政廉訪司糾
彈

諸富戶依托見任官負影避差役者所在肅
政廉訪司官常須用心禁察毋使循習
舊弊靠損貧民違者其官與民並行治

罪

諸論訴婚姻及財田宅債負若不係違法重
事並聽社長以理諭解免使妨廢農務
煩擾官司

立社巷長 至元七年閏十一月尚書省司農
司呈大名彰德等路在城居民俱係經紀買賣
之家并各局分人匠恐有不務本業游手好閑
兇惡之人合依真定等路選立社巷長教訓於
十一月十八日奏奉聖旨既是隨路有已立了

社呵便教一體立去者又奏中都上都立社呵
切恐諸稅下有不要的去也奉聖旨立社是好
公事也立去者欽此除已行下各路及令所屬
州縣在城關廂地住諸色戶計欽依聖旨事理
並行入社

至元二十九年三月二十日樞密院奏脫脫
不花奏將來有廉訪司官人每俺根底與文字
省官每奏准蒙古探馬亦每根底與漢兒民戶
一處作社者麼道與文字來俺怎生理會麼道

說將來有俺商量來軍每的數目教他每知道的體例無有麼道奏呵休與漢兒民戶一處相合者依着萬戶的體例裏另行麼道聖旨了也
欽此

大德七年十月中書省御史臺呈山東道廉訪司申隨處地境寬遠弓兵數少不能遍歷巡警致有游手好閑棄本逐末懶惰之徒乘此飢年糾合爲盜若令所在官司每社長立保甲比等之人出入動作常切逆相覺察毋使爲非如

違罪及保甲亦防盜之一端也刑部議得隨處
已有設置社長若編排保甲誠恐動搖擬合欽
依聖旨事意令社長不管餘事專一勸課農桑
照管社內之人務勤本業若有游蕩之徒常切
覺察毋令別作非違如有失覺察致有人戶
違犯者驗輕重將社長責罰都省准呈

至大元年七月中書省刑部呈議得爲盜之
人須有居處若在編立社內社長力能覺察或
不務本業或出入不時或服用非常或飲食過

分或費用無節或元貧暴富或安下生人或交
結游惰此皆生盜之由合令親民官司照依累
降聖旨條畫宣明教導選舉社長常令訓導各
安本業覺察兇惡游惰廉訪司常加糾治庶幾
盜息民安都省准呈

農桑 至元九年二月欽奉聖旨節該據大司
農司奏自大都隨路州縣城郭周圍并河渠兩
岸急遞鋪道店側畔各隨地宜官民栽植榆柳
槐樹令本處正官提點本地分人護長成樹係

官裁到者營修隄岸橋道等用度百姓自力裁到者各家使用似爲官民兩益准奏仰隨路委自州縣正官提點春首栽植務要生成仍禁約蒙古漢軍探馬赤權勢諸色人等不得恣縱頭尺個咬亦不得非理斫代違者並仰各路達魯花赤管民官依條治罪本廳官司却不得因而搔擾

至元二十三年六月十二日中書省奏立大司農司的聖旨奏呵與者麼道聖旨有來又仲

諫那的每行來的條畫在先也省官人每的印
信文字行來如今條畫根底省家文字裏交行
呵怎生麼道奏呵那般者麼道聖旨了也欽此
今將奏奉聖旨定到條畫開立于后

一諸縣所屬村疃凡伍拾家立爲壹社不以
是何諸色人等並行入社今社衆推舉
年高通曉農事有兼丁者立爲社長如
壹村伍拾家以上只爲壹社增至伯家
者另設社長壹員如不及伍拾家者與

附近村分相併爲壹社若地遠人稀不能相併者斟酌各處地面各村自爲壹社者聽或叁村或伍村併爲壹社仍於酌中村內選立社長官司並不得將社長差占別管餘事專一照管教勸本社之人務勤農業不致墮廢如有不肯聽從教勸之人籍記姓名候提點官到彼對社衆責罰所立社長與免本身雜役年終考較有成者優賞怠廢者責罰仍

省會社長却不得因而搔擾亦不得率
領社衆非理動作聚集以妨農時外據
其餘聚衆作社者並行禁斷若有違犯
從本處官司就便究治

一農民每歲種田有勤謹趁時而作者懶惰
過時而廢者若不明諭民多苟且今後
仰社長教諭各隨風土所宜須管趁時
農作若宜先種者儘力先行布種植田
以次各各隨宜布種必不得已然後補

種晚田瓜菜仍於地頭道邊各立牌板
書寫某社某人地段仰社長時時往來
點覲獎勸誠諭不致荒蕪仍仰隄備天
旱有地主戶量種區田有水則近水種
之無水則鑿井如井深不能種區田者
聽從民便若有水田之家不必區種據
區田法度另行發去仰本路鑲板多處
印散諸民若農作動時不得無故飲會
失誤生計

一每丁週歲須要勸栽桑棗貳拾株或附宅
栽種地桑貳拾株早供蟻蠶食用其地
不宜栽桑棗各隨地土所宜栽種榆柳
等樹亦及貳拾株若欲栽種雜果者每
丁栽種壹拾株皆以生成爲定數目願
多栽者聽者本主地內栽種已滿別無
餘地可栽者或有病喪丁數不在此限
若有上年已栽桑果數目另行具報却
不得朦昧報充次年數目或有死損從

通判制卷一
實中說本處官司申報不實者並行責
罰仍仰隨社布種首宿初年不須割刈
次年收到種子轉轉俵散務要廣種非
止喂養頭疋亦可接濟饑年

一隨路皆有水利有渠已開而水利未盡其
地者有全未曾開種并初可挑掘者委
本處正官壹員選知水利人負一同相
視中間別無違礙許民量力開引如民
力不能者申覆上司差提舉河渠官相

驗過官司添力開挑外據安置水碾磨
去處如遇澆田時月停住碾磨澆溉田
禾若是水田澆畢方許碾磨依舊引水
用度務要各得其用雖有河渠泉脉如
是地形高阜不能開引者仰成造水車
官爲應副人匠驗地里遠近人戶多寡
分置使用富家能自置材木者令自置
如貧無材木官爲買給已後收成之日
驗使水之家均補還官若有不知造水

車去廔仰申覆上司關樣成造所據運
鹽運糧河道仰各路從長講究可否申
覆合干部分定奪利國便民兩不相妨
一近水之家許鑿池養魚并鵝鴨之類及栽
種蓮藕雞頭菱角蒲葦等以助衣食如
本主無力栽種召人依例種佃無致閑
歇無用據所出物色如遇貨賣有合稅
者依例赴務投稅難同自來辦課河泊
船立課程以致人民不敢增修

一本社內遇有病患凶喪之家不能種蒔者
仰令社衆各備糧飯器具併力耕種鋤
治收刈俱要依時辦集無致荒廢其養
蠶者亦如之壹社之中災病多者兩社
併助外據社衆使用牛隻若有倒傷亦
仰照依鄉原例均助補買比及補買以
來併牛助工如有餘剩牛隻之家令社
衆兩和租賃

一應有荒地除軍馬營盤草地已經上司撥

定邊界者并公田外其餘投下探馬赤
官豪勢要之家自行冒占年深荒閑地
土從本處官司勘當得實打量見數給
付附近無地之家耕種爲主先給貧民
次及餘戶如有爭差中覆上司定奪外
據祖業或立契買到地土近年銷乏時
暫荒閑者督勒本主立限開耕租佃須
要不致荒蕪若係自來地薄輪番歇種
去處卽卽依例存留歇種地畧亦不得

多餘畧占若有熟地夾間本主未耕荒地不及壹頃者不在此限仍督責早為

開耕

一每社立義倉社長主之如遇豐年收成去處各家驗口數每口留粟壹斗若無粟抵斗存留雜色物料以備歉歲就給各人自行食用官司並不得拘檢借貸動支經過軍馬亦不得強行取要社長明置文曆如欲聚集收頓或各家頓放聽

從民便社長與社戶從長商議如法收貯須要不致損壞如遇天災凶歲不收去處或本社內有不收之家不在存留之限

一本社內若有勤務農桑增置家產孝友之人從社長保舉官司體究得實申覆上司量加優恤若社長與本處官司體究所保不實亦行責罰本處官司並不得將勒謹增置到物業添加差役

一若有不務本業游手好閑不遵父母兄長
教令竟徒惡黨之人先從社長叮嚀教
訓如是不改籍記姓名候提點官到日
對社衆審問是實於門首大字粉壁書
寫不務本業游惰竟惡等名稱如本人
知耻改過從社長保明申官毀去粉壁
如終是不改但遇本社合着夫役替民
應當候悔過自新方許除籍

一今後每社設立學校壹所擇通曉經書者

爲學師於農隙時月各令子弟入學先
讀孝經小學次及大學論孟經史務要
各知孝悌忠信敦本抑末依鄉原例出
辦束脩如自願立長學者聽若積久學
問有成者申覆上司照驗

一若有虫蝗遺子去處委各州縣正官壹員
於拾月內專一巡視本管地面若在熟
地併力翻耕如在荒陂大野先行耕種
籍記地段禁約諸人不得燒燬荒草以

備來春虫蝻生發時分不分明友本處
正官監視就草燒除若是荒地窄狹無
草可燒去處亦仰從長規劃春首捕除
仍仰更屬多方用心務要盡絕若在前
監草地内虫蝻遺子者申部定奪

一若有該載不盡農桑水利於民有益或可
預防蝗旱災咎者各隨方土所宜量力
施行仍申覆上司照驗

一前項農桑水利等事專委府州司縣長官

不妨本職提點勾當若有事故差出以次官提點如但有違慢沮壞之人取問足實約量斷罪若有恃勢不伏或事重者中覆上司究治其提點官不得勾集百姓仍依時月下村提點止許將引當該司吏壹名祇候人壹貳名毋得因而多將人力撿擾取受據每縣年終比附到各社長農事成否等第開申本管上司通行考較其本管上司却行開坐所

屬州縣提點官勾當成否編類等第申
覆司農司及申戶部照驗才候任滿於
解由內分朗開寫排年考較到提點農
事功勤廢惰事跡赴部照勘呈省欽依
見降聖旨比附以爲殿最提刑按察司
更爲體察

至元二十八年十二月十五日中書省奏江
南勸課農桑那裏的路官每親身巡行呵搔擾
百姓有不教行呵怎生麼道奏呵與理會的南

人每一處商量了說者麼道聖旨有來俺衆人
與南人每一處商量來那的每也則這般說有
江南勸課農桑的不教官人提調着呵百姓每
也不怠慢向前有不教官人每巡行依時節行
文書呵中也者麼道說有俺也那般商量來麼
道奏呵那般者麼道聖旨了也欽此

至元二十九年閏六月欽奉聖旨宣諭諸路
府州司縣達魯花赤管民官提點農桑水利官
貧人等據中書省奏在前馬勸農的上頭各處

立著勸農司衙門來後頭罷了併入按察司時
節按察司名兒裏與了聖旨來如今按察司改
做肅政廉訪司也依那體例裏倒換與他每聖
旨宣諭似望各各盡心早得成就准奏仰各道
肅政廉訪司照依已降聖旨巡行勸課舉察勤
惰隨路若有勤謹官員仰各路具實跡牒報巡
行勸農官體覆得實申大司農司呈省聞奏於
銓選時定奪如文字遲慢仰廉訪司官即將當
該司吏對提點官就便取招申大司農司責罰

其各路并府州提點官違慢者大司農司取招呈省定奪外據社長委有公謹實效之人行移巡行勸農官體察得實申覆大司農司定奪如有違慢者仰就便依理責罰黜罷這般省諭了呵勸農官吏人等却不得因而取受看循面情非理行事本處官司及不以是何人等亦不得使氣力撻撻社長妨奪勸農事務如違治罪仍仰肅政廉訪司照依已降聖旨更爲體察施行

大德二年九月中書省御史臺呈江南行臺

咨各道報到農桑文冊俱係司縣排戶取勘裁
種數目自下而上申報文字所費人力紙札無
非擾民江南地窄人稠與中原不同農民世務
本業擬合欽依聖旨依時節行文書勸課免致
取勘動搖兵部議得既是江南農事行御史臺
親行提調明咨地窄人稠多爲山水所占大與
中原不同土著農民世務本業不須加勸而自
能勤力以盡地利合准御史臺所擬依時行文
字勸課相應都省准呈

大德三年二月初七日中書省奏教百姓每
謹慎種養我接的路府州縣官提調着依時親
身點覲者廉訪司官也提調點覲者麼道司農
司聖旨條畫裏這般該着有這般挨次重併點覲
呵百姓每生受親臨百姓州縣官點覲除那的
外路府州官等則依體例提調呵中也者說有
似這般言語在先壹箇人題說與文書呵他說
的是有教那般行者麼道行文書來係聖旨條
畫裏該載的言語麼道御史臺司農司官人每

俺根底回將文書來他的言語是有這般行呵
怎生商量來奏呵奉聖旨那般行者欽此

皇慶二年七月二十一日大司農司奏奉聖
旨節該大都路爲頭五路裏種田的地壹半秋
耕其餘路分聽民儘力秋耕依着這般行呵也
宜趁天氣未寒時月將陽氣掩在地中蝗蝻遺
下種子也曝曬死次半種來的苗稼榮旺耐旱
依着這般行呵秋成豐稔農事有成效的一般
奏呵奉聖旨那般者依着薛禪皇帝行來的行

者恁與省家文書教遍行者

大德九年二月欽奉詔書內一款仲春己後
此農民盡力耕桑之時其勅有司非急速之務
慎毋生事煩擾或有小罪即與踈決勿禁繫妨
其時

皇慶二年七月二十一日大司農司奏世祖
皇帝時分每年農民種田剝桑時月若有工役
合倩人夫車牛本管官司非奉省部明文等候
秋成農隙方許均科不妨誤了農種的一般奏

呵奉聖旨那般者您與省家文書教通行者

司農事例 至元二十九年八月中書省大司

農司呈臨漳縣達魯花赤太不花解由內農事
學校樹株義糧等數與帳冊爭差取到判署官
吏有失照畧招伏當該司吏合行的決今後親
民州縣并提調官驗爭差數目斟酌到罰俸月
日刑部議得若依大司農司所擬相應都省准
擬

一親民州縣官并得替官

壹拾日

諸樹壹千株以下
義糧壹佰碩以下

學校壹拾所以下

半箇月

諸樹壹萬株以下
義糧壹千碩以下

學校壹佰所以下

壹箇月

諸樹壹萬株之上
義糧壹千碩之上

學校壹佰所之上

一總提調官路府州官并首領官比依給由
并得替官所罰俸鈔叁分中量罰壹分
一其餘該載不盡農事若有爭差比依上例
斟酌責罰

中統五年八月欽奉聖旨條畫內一欵諸軍
馬營寨及達魯花赤管民官權豪勢要人等不
得恣縱頭匹損壞桑棗踐踏田禾搔擾百姓如
有違犯之人除軍馬營寨約會所管頭目斷遣
餘者即仰本處官司就便治罪施行並勒驗所

損田禾桑果分數賠償及軍馬不得於村坊安
下取要飲食

至元二十九年七月初五日欽奉聖旨節該
太祖成吉思皇帝聖旨裏教頭口喫了田禾的
每教踏踐了田禾的每專一禁治斷罪過有來
不拜戶的田禾根底教喫了的踏踐了的猶自
斷罪過有來在前聖旨莫不怠慢了也麼道御
史臺官人每奏八忽歹管着的探馬赤每不好
生的整治交頭口喫了踏踐了田禾損壞樹木

有麼道奏來從今已後依在先聖旨體例裏不
揀是誰休教喫了田禾休教踏踐了田禾休教
損壞了樹木他每刈下的田禾休教奪要者休
教搔擾百姓者道了也這般宣諭了呵却有別
了聖旨教喫了田禾的每教踏踐了田禾的每
教賠償了田禾呵如有俺每認得的人每呵咱
每根底奏將來者不認得的人每有呵那裏有
的廉訪司官人每監察每城子裏達魯花赤官
人每各投下的頭目每一處打斷者

大德二年三月欽奉聖旨節該大司農司官人每奏過往的軍馬富豪做買賣人等頭口不攔當田禾喫了踏踐了有桑樹果木樹咽咬折拆了有城子裏達魯花赤官人每那般不在意禁約有麼道奏來從今已後田禾裏但是頭口入去喫了桑樹果木樹斫伐了呵折拆了呵城子裏達魯花赤每總管每就便提調者依着在先聖旨體例裏教陪償了要罪過者這聖旨這般宣諭了呵城子裏達魯花赤每總管每好生

用心禁約呵覩面皮不教賠償呵咱每根底奏
者雖這般道了呵推着山木無體例勾當休做
者休教人每生受者

大德十一年五月二十二日欽奉詔書內一
款民者國之根本軍國用度一切財賦皆所自
出理宜常加存撫其經過軍馬牧養馬駝人等
毋得取要飲食錢物非理搔擾縱放頭疋踏踐
田禾咽喉桑棗所在官司嚴加禁約違者斷罪
賠償本管頭目有失鈴束亦仰究治重者申聞

至大四年三月欽奉詔書內一款節該農桑
衣食之本仰提調官司申明累降條畫諄切勸
課務要田疇開闢桑果增盛乃爲實效諸官豪
勢要經過軍馬及昔寶赤探馬赤餽養馬駝人
等索取飲食草料縱放頭疋食踐田禾桑果者
所在官司斷罪陪償仍仰監察御史肅政廉訪
司常切糾察考其殿最以憑黜陟

至大四年閏七月初五日中書省李平章奏
昔寶赤帖減赤每并怯薛人等教先去呵搔擾

百姓每踏踐田禾有百姓沒田禾呵怎生過咱
每無百姓呵怎生行飛放的每咱每根底得甚
濟有李道優你提調着休教先去搔擾百姓踏
踐田禾者我的言語麼道皇帝根底明白奏者
麼道唐兀台對鄭尚書阿禮海牙參議我根底
傳懿旨來教奏有奏呵那般者麼道聖旨了也
欽此

佃種官田 大德五年七月中書省議得江南
各處見任官吏於任所佃種官田不納官租及

奪占百姓已佃田土許諸人赴本管上司陳告
是實驗地多寡追斷黥降其田付告人或元主
種佃外據佃種官田人戶欲轉行充佃與人須
要具充佃情由赴本處官司陳告勘當別無違
礙開寫是何名色官田頃畝合納官租明白附
簿許立私約充佃隨即過割承佃人依數納租
違者斷罪

妄獻田土 大德八年正月欽奉詔書內一款
國家財賦自有常制比者諸人妄獻田土戶計

山場窰冶增添課程無非微名貪利生事害民
今後悉皆禁絕違者治罪

至大四年三月欽奉詔書內一款節該國家
租賦有常僥倖獻地之人所當懲戒其劉亦馬
罕小云失不花等冒獻河南地土已令各還元
主劉亦馬罕長流海南今後諸陳獻地土并山
場窰冶之人並行治罪

至元二十八年十二月中書省樞密院呈保
定路正軍崔忠告貼戶孫元不曾告給公憑將

田土壹頃典與張澤等種養全家老小在逃戶部議得正軍貼戶既同戶當軍破買地土合相由問據張澤等典訖孫元地土別無告到官司公憑亦不曾由問正軍既崔忠替當孫元軍役其元拋下事產擬令正軍崔忠種養爲主收到子粒等物津貼軍錢合該典價候孫元還家依理歸結都省准擬

至元七年正月欽奉聖旨條畫內一畝和尚每根底歹人每將無主荒閑田地不經由官司

一面獻與和尚每做主有高上和尚下次和尚
每并怯里赤每那般做也者那的每根的當司
怎生欽奉聖旨那般者罕者欽此

官田 大德七年十二月十八日中書省奏江
南浙西等處係官田土內出的子粒每年海運
將來有餘剩的本處省官做軍糧等名項支持
有近年以來那田土各寺裏并官貧人等根底
多與了有不合與麼道行省官每莖官每并撫
安百姓去來的奉使每題說與將文書來有商

議省事參箇學士也題說有俺商量來每年這裏怯薛歹每各枝兒裏多人每根底并工役軍匠闕食的人每根底多於江南運來的米糧內支與有他每題說的是不合與有這田土出產多是國家必用之物難比其餘錢物如今幾箇人根底教與田地者麼道奉聖旨俺根底與將文書來這的每根底不與今後有人奏過與俺文書呵俺回奏呵怎生麼道奏呵奉聖旨那般者欽此

典賣田產事例 大德十年五月中書省御史
臺呈河南道廉訪司申近年告爭典質田產買
囑牙見人等通同將元典文據改作買契昏賴
親隣牙見證說爭差致使詞訟壅滯禮部議得
典質地產卽係活業若一面收執文約或年深
迷失改作賣契或昏昧條段間座多致爭訟以
此參詳今後質典交易除依例給據外須要寫
立合同文契貳紙各各畫字赴務投稅典主收
執正契業主收執合同雖年深憑契收贖庶革

僥倖爭訟之弊都省往呈

至大元年十月中書省樞密院呈冠州貼軍
戶張著告正軍周元於大德八年欺昧本家將
灤下桑棗地伍拾叁畝暗地賣與伊另籍軍戶
房親周二等爲主禮部議擬即係違例成交擬
合改正令張著依價收贖同元姪周義却告張
著又將伯父周元節次賣與義等地土伍段欲
驗舊價收贖本院看詳正軍貼戶驗各家氣力
津貼一同當軍破賣田產許相由問恐損同戶

氣力今周元與周義等雖是有服房親却係另
戶已後周元無力累及張著除例前已買地土
擬合革撥例後合無依禮部先擬同戶張著驗
價收贖今後諸軍戶典賣田宅先須於官給據
明立問帳具寫用錢緣故先儘同戶有服房親
并正軍貼戶如不願者依限批退然後方問隣
人典主成交似不靠損軍力都省准呈

元貞元年十一月中書省陝西行省咨安西
路普淨寺僧人旃吉祥告西鄰王文用將門面

并後院地基偷賣與宮伯成爲主不見各處軍民典賣田宅若與僧道寺觀相隣合無由問禮部照擬得僧道寺觀常住田地既係欽依聖旨不納稅糧又僧俗不相干百姓軍民戶計雖與寺觀相隣住坐此遇典賣難議爲隣參詳合准王文用已賣西鄰宮伯成爲主都省准呈

大德八年五月中書省江西行省濟撫州路瑞山寺僧周淨師用鈔買到本寺僧永仁田土文契壹紙赴務投稅並無官給公據戶部議得

今後僧道自相買賣并買民田納稅地土依例
於有司給據開防如違依例追斷都省准擬
大德七年五月中書省戶部呈諸私相貿易
田宅即與貨賣無異擬合給據令房親隣人盡
字估價立契成交都省准呈

軍馬擾民 中統四年正月欽奉聖旨道與阿
木都元帥等在先爲軍馬於百姓處取要諸物
或縱放頭足踏踐麥苗田種及咽咬桑菜等樹
這般搔擾上已曾禁約去來今又體知得隨處

多有屯駐蒙古等軍馬往往將請到糧料私下
索賈却於百姓處強行取要糧料人夫一切物
件及有探馬赤人每將自己養種收到物斛受
借却行營於百姓處取要搔擾這言語是實那
是虛如聖旨到日仰省會萬戶千戶百戶每體
究問當者若端的有這般搔擾百姓的人每管
軍官與宣慰司一同問當了是實呵依着扎撒
陪償斷遣者若去宣慰司處遠呵止與本處連
魯花赤管民官一起斷者如千戶百戶每不行

用心禁約及覲面皮不肯斷遣呵他每不怕那甚麼

准折事產 至元二十年十一月中書省戶部呈平灤路申韓孝叔失陷倉糧官司准折訖祖業房院伊姪韓麟告要取贖本部參詳若令韓麟出備元價收贖相應都省准呈

墳塋樹株 皇慶二年三月十八日中書省欽奉聖旨百姓每的子孫每將祖上的墳塋并樹木賣與人的也有更掘了骨殖將墳塋賣與人

的也有今後賣的買的并牙人每根底要罪過
行文書案斷者麼道欽此

異代地土 大德六年正月申書省陝西行省
洛安西路僧人惠從告李玉將本寺正隆二年
建立石碑內常住地土古種照得見華地土即
係異代碑文誌記畝數似難憑准若蒙照依定
例華撥將地憑契斷付李玉爲主相應禮部照
得李玉憑牙於賈玉處用價立契收買上項地
土經今貳拾餘年又經異代合在陝西行省所

擬都省准呈

田訟革限 至大四年四月二十六日欽奉詔
書內一款近年田宅增價爭訟日繁除已到官
見有文案并典質借貸私約分明依例歸結其
餘任至大元年正月已前者並仰革撥

逃移財產 至元十年七月中書省戶部呈議
得在逃人戶拋下地土事產擬合召諸色戶計
種佃依鄉原例出納租課毋令親民官吏權豪
之家射佃都省准呈

大德十一年五月二十二日欽奉詔書內一
欵各處逃移戶計復業者元拋事產隨即給付
免差稅叁年未復業者有司具實申報開除合
該差稅毋令見戶包納

江南私租 大德八年正月欽奉詔書內一欵
江南佃戶承種諸人田土私租太重以致小民
窮困自大德八年以拾分爲率普減貳分永爲
定例比及收成佃戶不給各主接濟無致失所
借過貸糧豐年逐旋歸還田主毋以巧計多取

租數違者治罪

撥賜田土 皇慶二年四月二十六日中書省
奏臺官人每與俺文書江南平江等處有的係
官地內撥賜與了諸王駙馬并寺觀諸官真每
的地土他每自委付着管庄的人每比官司恣
意多取要糧斛分例搔擾教百姓每生受有合
追復還官供給國家麼道說有杭州行省也這
般與文書來俺與御史臺集賢翰林院老的每
一同商量來除與了諸王公主駙馬寺觀的田

地依己了的聖旨與他每佃戶合納的租糧官倉裏收了各枝兒却於倉裏驗着納來的數目開支這般呵百姓每不被擾其餘官員諸人每根底與來的田地都教還官呵怎生奏呵那般者麼道聖旨了也欽此

皇慶二年十月二十三日中書省奏江南地面裏平江等處有的係官地內諸王公主駙馬根底各寺觀裏并官人海根底與來的他每委着人比官司納來的之上多取糧的上頭百姓

每生受麼道臺官每言着呵今春衆人商量了
諸王駙馬根底并各寺觀裏與來的將合納的
粗米官倉裏納了似阿合探馬兒一般各投下
於官倉裏撥與奏了各處行了文書來前者崇
祥院官人每將普慶寺裏江南撥與來的田地
內出產的斗粒不教其餘的指例崇祥院管轄
的提舉司收着麼道奏了與俺文書來俺商量
來將那糧他每收呵正是那裏糶賣依已了的
聖旨官倉裏收了取勘了數目驗本處開倉時

古撥與價錢呵怎生麼道奏呵那般者麼道聖
旨了也欽此

影占民田 至元十五年七月二十五日中書
省御史臺呈奏過事內一件節該官民房舍田
土諸官豪勢要之家毋得擅立宅司庄官冒立
文契私已影占取要房錢粗米違者並行糾察
奏呵奉聖旨那般者是有欽此

撥賜田土還官 大德七年四月中書省江浙
行省咨各路府州司縣所管官房地基多係官

豪勢要人等租賃住坐故將元舊屋宇改拆間
架欲爲己業計構上下路府司縣官吏主首坊
里正人等通同捏合推稱年深倒塌不堪修理
低估價錢變賣或稱事故以租就買朦朧除豁
官租私相典允並不申明官司今後係官房舍
基地毋得似前變賣典允及以租就買戶部照
擬得合准本省所擬通行禁治都省准呈
皇慶二年六月初六日中書省奏至元十三
年收附江南時分壹箇姓毛的壹箇姓柴的人

不伏歸附謀叛逃竄了的上頭將他每的家私物業斷沒入官來曲律皇帝時分將那斷沒了的地土山場都與了劉司徒的爺來去年又那地土內教與劉參政地土山場教與不魯罕丁者麼道聖旨有呵行將文書去依着聖旨體例與了來前者俺與臺官并翰林集賢院官一同商量定諸王公主駙馬并各寺裏與來的田土依舊交屬他每官倉裏收了子粒似阿哈探馬兒一般與他每官負人等根底與來的都教還

官者麼道奏了也依着聖旨已了的都教還官
呵怎生麼道奏將來有那地土山場內每年多
出產錢物有這幾年他每要了的勾也者其餘
都教還了官他每根底與來的不教還官呵偏
負有教還官呵怎生奏呵那般者麼道聖旨了
也欽此

召策官房 至元二十一年六月中書省御史
臺呈江南行臺咨江佳等處係官房舍於內先
儘遷轉官員住坐分明操附任蒲相公交割其

餘用不盡房舍依上出賃似爲允當都省議得
不係舊來出賃門面房舍委是係官公廨先儘
遷轉官貧依上相咨交割住坐

打量田土 大德四年十二月初二日樞密院
奏歸德府趙知府文字裏題說將來推陽縣官
吏每信着歹人每言語打量軍戶地土行呵踏
踐了田禾軍戶每根底使氣力限搔擾有麼道
說將來有上位有聖旨軍的民的地地通行取
數目時分打量呵是也民戶的地土不打量軍

戶底地土打量有奏呵奉聖旨是有不得咱每
的聖旨軍戶每的地土休打量者欽此

通制條格卷第十六